



ՀԱՅՐԵՆԻ ԹԵՄԵՐՈՒՄ

ԲԱՍԱՐԳԵԶԱՐԻ ՍՈՒՐԲ ԱՍՏՎԱԾԱԾԻՆ ԵԿԵՂԵՑՈՒ ՎԵՐԱԲԱՑՈՒՄԸ

Վեհափառ Հայրապետի բարեհաճ կարգադրությամբ, Մայր Աթոռի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը, ընկերակցությամբ Արարատյան թեմի առաջնորդական փոխանորդ հոգեշնորհ Տ. Վահան վարդապետ Գալամ-դարյանի և բարեշնորհ Հակոբ սարկավազ Պողապալյանի, սեպտեմբերի 20-ի շաբաթ օրը կեսօրե վերջ ճանապարհվեցին դեպի Բասարգեշար՝ ներկա գտնվելու եկեղեցու վերաբացման հանդիսություն և կատարելու եկեղեցու սրբման կարգը:

Բասարգեշարի պատմական անունն է եղած Սոդք: Նա Սևանա լճի հարավ-արևելքում բացված մի շրջկենտրոն է, լճի ափից հազիվ 15 կմ. հեռավորությամբ: Նա սահմանակից է Ղարաբաղին ու Շամխորին: Ժողովրդի զգալի մասը Ալաշկերտից ու Բայազետից եկվորներ են:

Երբ Սևանա ծովի կապույտից ակամա մեր աչքերը բաժանվեցին, փարթամ կանաչի մեջ երևաց երկնի կապույտին սլացող մի գմբեթ, երկնայինը երկրայինին կապող մի օղակ: Մայրամուտի այս խորհրդավոր ու հմայիչ պահին, ամայության ու լռության մեջ, մարդկային հոգին ինքնաբերաբար տենչում է՝ աղոթքի: Այսպիսի հոգեկան սլացքի մեջ էինք, երբ հասանք Բասարգեշար:

Մեզ դիմավորեցին արժանապատիվ Տ. Զավեն, Տ. Մեսրոպ, Տ. Հակոբ քանահայրերը, շրջապատված հավատացյալ ժողովրդի հոծ բազմությամբ:

Սրբազան հայրը «Հրաշափառ»-ով առաջնորդվեց եկեղեցի, որ իսկապես ճարտարապետական մի չքնաղ կոթող է:

Բասարգեշարի եկեղեցին կառուցվել է 1905—1912 տարիների ընթացքում, նախկին Ս. Աստվածածին եկեղեցու վայրում, նույն անունով, իորեն Կաթողիկոս Մուրադբեկյանի Արարատյան թեմի առաջնորդության շրջանում:


Վերստին ղողանջում էին Ս. Աստվածածին եկեղեցու ղանգերը: Երեկոյան ժամերգության պահն է. «Ես առ Աստուած կարդացի և նա լուա ինձ յերեկոյս...»: Պայծառ և վեհ եկեղեցում տարածվում է «Լոյս զուարթ»-ի մեղեդին, խնկի թավիշ մշուշով: Արարողությունը շատ քաղցր է ու առինքնող, աղոթքի և խնկի ծարավ հոգիները տրախություն և զոհանակության արցունք են թափում: Կիրակամտի ժամերգության ավարտին Սահակ սրբազանը հոգեշունչ քարոզ է ասում. նա ժողովրդին շնորհավորում է և խրատում՝ ապրել իրենց պապերի ոգով ու հավատով, շեն պահելով Աստուծո Տունը:

Սեպտեմբերի 21-ի կիրակի օրը, առավոտյան ժամերգությունից հետո, կատարվեց եկեղեցու սրբման կարգը. «Օրհնեսցի և սրբեսցի եկեղեցիս...»: Մաքրված ու սրբված եկեղեցում պատարագ է մատուցում սրբազան հայրը: «Հայր մեր»-ից առաջ սրբազան հայրը քարոզեց: Սրբազանը հաղորդեց Վեհափառ Հայրապետի օրհնություններն ու ողջույնը, ապա խոսեց Հայ եկեղեցու և Մայր Աթոռ Ս. Էջմիածնի կատարած պատմական դերի մասին, հայ հավատացյալ ժողովրդի կյանքում: Վերջում սրբազանը սրբաբուխ բարեմաղթություններ է անում Ս. Էջմիածնի անասանության, Վեհափառ Հայրապետի կյանքի արևատուության և հայ ժողովրդի և Մայր Հայրենիքի հետագա է՛լ ավել-

լի զարգացման և վառ ապագայի համար։ Հավարտ սուրբ պատարագի, հավատացյալներից շատերը երէյուդով և հավատով մոտենում են սուրբ հաղորդության։

Եկեղեցու բացման ուրախ առիթով հավատացյալները բազմաթիվ նվերներ էին

ուրախությունն ու գոհունակությունը։ Մենք խորապես վայելեցինք մեր հավատացյալ ժողովրդի ազնիվ հյուրասիրությունը և մեծ գոհունակությամբ բաժանեցինք նրա ազնի ու հացը՝ եկեղեցու վերաբացման ուրախ առիթով։



ԲԱՍԱՐԳԵՉԱՐԻ Ս. ԱՍՏՎԱԾԱՄԻՆ ԵԿԵՂԵՑԻՆ

բերել։ Սրբազան հայրը օծեց և օրհնեց նաև նվեր բերված սրբապատկերները։ Հավարտ սուրբ պատարագի եկեղեցու բակում տրվեց մատաղասեղան։ Սրբազանը օրհնեց և ապա նախագահեց սեղանին։

Դժվար է նկարագրել ժողովրդի խանդավառությունը, սրտաբաց ընդունելությունը,

Սեպտեմբերի 22-ին, երկուշաբթի օր, մենք հրաժեշտ առինք Բասարգեչարի ազնիվ և հավատացյալ ժողովրդից և լավագույն տավաժություններով վերադարձանք Մայր աթոռ։

ՀԱԿՈՐ ՍԱՐԿԱՎԱԳ ՊՈԶԱՊԱՆՅԱՆ